

**"KRIMOLOVCI"**

OD 255 POZIVA TRI BILA KORISNA



ISTOČNO SARAJEVO - Pripadnici **SIPA** u septembru su na telefonskoj liniji "Krimolovci" registrovali 255 poziva, od kojih su tri bila s korisnim informacijama o počinjenim ili planiranim krivičnim djelima i počinocima, a na osnovu kojih je sačinjeno isto toliko kriminalističko-obavještajnih izvještaja.

Putem elektronskog obrasca za prijavu krivičnog djela zaprimljeno je 95 prijava, od kojih je 12 s korisnim informacijama o počinjenim ili planiranim krivičnim djelima i počinocima, na osnovu kojih je sačinjeno isto toliko kriminalističko-obavještajnih izvještaja.

Najveći broj informacija odnosio se na krivična djela u vezi sa drogom, zloupotrebom službenih

ovlaštenja, te krijumčarenjem ljudi i robe. Od ukupnog broja zaprimljenih informacija putem "Krimolovaca" i elektronskog obrasca, 13 je proslijeđeno na dalje postupanje nadležnim policijskim organima u BiH, a po dvije je postupala i **SIPA**.

NAJVEĆI BROJ INFORMACIJA ODNOSIO SE NA KRIVIČNA DJELA U VEZI SA DROGOM

Pripadnici **SIPA** dali su i 63 savjeta građanima koji su ih kontaktirali putem anonimnog i besplatnog telefonskog broja "Krimolovci" (080-020-505). (Sma)